

Broj: 03-02-1460-1/2021
Sarajevo, 12.05.2022. godine

**PARLAMENT FEDERACIJE
BOSNE I HERCEGOVINE**

Bosna i Hercegovina
Federacija Bosne i Hercegovine
**PARLAMENT FEDERACIJE
SARAJEVO**

Prilazno: 13-05-2022			
Org. jed.	Broj	Priloga	Vrijednost
01,02	02-	967	22

H
X8

- Zastupnički dom-
gosp. Mirsad Zaimović, predsjedatelj
- Dom naroda –
gosp. Tomislav Martinović, predsjedatelj

Poštovani,

Sukladno članku 17. Uredbe o mjerama financijske pomoći obrtima i ostalim samostalnim djelatnostima u Federaciji Bosne i Hercegovine u cilju ublažavanja negativnih posljedica pandemije COVID-19 („Službene novine Federacije BiH“, br. 87/21, 89/21 isp. i 90/21 isp.), u pritvku Vam dostavljam Izvešće Federalnog ministarstva razvoja, poduzetništva i obrta o dodijeljenoj financijskoj pomoći i ostvarenim efektima Uredbe o mjerama financijske pomoći obrtima i ostalim samostalnim djelatnostima u Federaciji Bosne i Hercegovine u cilju ublažavanja negativnih posljedica pandemije COVID-19, koje je Vlada Federacije Bosne i Hercegovine usvojila na 314. sjednici, održanoj 12.05.2022. godine.

S poštovanjem,



PREMIJER
Fadil Novalić
Fadil Novalić

Privitak: kao u tekstu

FEDERAL BUREAU OF INVESTIGATION
 PARLAMENT GERICHT
 BARCELONA

No. of copy	Date	Time	Remarks
1	1952-10-15	10:00	[Illegible]
2	1952-10-15	10:00	[Illegible]
3	1952-10-15	10:00	[Illegible]

GOVERNMENT

Na temelju članka 19. stavak (4) Zakona o Vladi Federacije Bosne i Hercegovine („Službene novine Federacije BiH” br. 1/94, 8/95, 58/02, 19/03 i 8/06) i članka 17. Uredbe o mjerama finansijske pomoći obrtima i ostalim samostalnim djelatnostima u Federaciji Bosne i Hercegovine u cilju ublažavanja negativnih posljedica pandemije COVID-19 („Službene novine Federacije BiH”, br. 87/21, 89/21 isp. i 90/21 isp.), Vlada Federacije Bosne i Hercegovine na 314. sjednici održanoj 12.05.2022. godine, donijela je

ZAKLJUČAK

1. Usvaja se Izvješće Federalnog ministarstva razvoja, poduzetništva i obrta o dodijeljenoj finansijskoj pomoći i ostvarenim efektima Uredbe o mjerama finansijske pomoći obrtima i ostalim samostalnim djelatnostima u Federaciji Bosne i Hercegovine u cilju ublažavanja negativnih posljedica pandemije COVID-19 („Službene novine Federacije BiH”, br. 87/21, 89/21 isp. i 90/21 isp.).
2. Izvješće iz točke 1. ovog zaključka, Vlada Federacije BiH dostaviti će Parlamentu Federacije BiH najkasnije do 15.05.2022. godine.
3. Ovaj zaključak stupa na snagu danom donošenja.

V. broj: *640*/2022
12.05.2022. godine
Sarajevo



PREMIJER

Fadil Novalić
Fadil Novalić



FEDERALNO MINISTARSTVO RAZVOJA,
PODUZETNIŠTVA I OBRTA

IZVJEŠĆE

o dodijeljenoj finansijskoj pomoći i ostvarenim efektima

Uredbe o mjerama finansijske pomoći obrtima i ostalim samostalnim
djelatnostima u Federaciji Bosne i Hercegovine u cilju ublažavanja negativnih
posljedica pandemije COVID-19

Mostar, travanj 2022. godine

Izveštaj o dodijeljenoj finansijskoj pomoći i ostvarenim efektima Uredbe o mjerama fin.pomoći

UVOD

Sukladno članku 16. i 17. Uredbe o mjerama financijske pomoći obrtima i ostalim samostalnim djelatnostima u Federaciji Bosne i Hercegovine u cilju ublažavanja negativnih posljedica pandemije COVID-19 („Službene novine Federacije BiH”, br. 87/21;89/21 isp i 90/21 isp), Federalno ministarstvo razvoja, poduzetništva i obrta na osnovu pribavljenih podataka iz službenih evidencija Porezne uprave Federacije BiH sačinjava izvješće o dodijeljenoj financijskoj pomoći i ostvarenim efektima navedene Uredbe, referirajući se na svrhu dodjele financijske pomoći korisnicima, a to je opstanak obrta i ostalih samostalnih djelatnosti, očuvanje radnih mjesta i osiguranje podrške likvidnosti u svrhu prevladavanja okolnosti koje je izazvala pandemija COVID-19.

Sredstva financijske pomoći po ovoj uredbi su dodijeljena u svrhu refundacije već isplaćenog dijela bruto plata za uposlenike obrta i ostalih samostalnih djelatnosti, kao i dijela doprinosa koji se obračunavaju na propisanu osnovicu za obračun doprinosa za vlasnike obrta i ostalih samostalnih djelatnosti za razdoblje od 01.08.2020. do 31.07.2021.godine.

PROCES IMPLEMENTACIJE UREDBE

Vlada Federacije Bosne i Hercegovine je 27.10.2021.godine donijela Uredbu o mjerama financijske pomoći obrtima i ostalim samostalnim djelatnostima u Federaciji Bosne i Hercegovine u cilju ublažavanja negativnih posljedica pandemije COVID-19 („Službene novine Federacije BiH”, br. 87/21;89/21 isp i 90/21 isp).

Cilj dodjele financijske pomoći sukladno navedenoj Uredbi bio je opstanak obrta i ostalih samostalnih djelatnosti, očuvanje radnih mjesta, te osiguranje podrške likvidnosti u svrhu ublažavanja negativnih posljedica pandemije COVID-19.

Pravo na dodjelu financijske pomoći po ovoj uredbi ostvarili su svi obrti i ostale samostalne djelatnosti, koje su uredno izmirivale svoje obveze po osnovu izravnih i neizravnih poreza i koje su očuvale radna mjesta, a na osnovu službenih evidencija Porezne uprave Federacije BiH, kao i Uprave za neizravno oporezivanje Bosne i Hercegovine.

Procedura dodjele sredstava bila je sljedeća:

Dana 10.11.2021. godine, sukladno Uredbi, objavljena je **Preliminarna lista korisnika** financijske pomoći, kao i onih koji nisu zadovoljili uvjete Uredbe sa tačnim opisom razloga odbijanja, putem linka <https://finpomoc2021.fmrpo.gov.ba/>, a na osnovu službenih evidencija Porezne uprave Federacije BiH. Link je objavljen na internet stranicama Vlade Federacije Bosne i Hercegovine i Federalnog ministarstva razvoja, poduzetništva i obrta. U ovoj fazi projekta obrtima i ostalim samostalnim djelatnostima, koji nisu zadovoljavali uslove iz Uredbe ostavljen je rok od 15 dana da se mogu obratiti Poreznoj upravi Federacije BiH, zbog eventualnih provjera, korekcija i konačnog ažuriranja podataka. U ovoj fazi upućeni su dopisi resornim ministarstvima za dostavu listi korisnika financijske pomoći po Uredbi o interventnim mjerama za podršku ugroženim sektorima gospodarstva Federacije Bosne i Hercegovine u okolnostima pandemije COVID-19 za 2020.godinu (Službene novine Federacije BiH, broj 74/20 i 21/21), jer je definisano da korisnici po pomenutoj Uredbi nemaju pravo biti korisnici i po Predmetnoj Uredbi („Službene novine Federacije BiH”, br. 87/21;89/21 isp i 90/21 isp). 18.071 subjekat malog gospodarstva se nalazio na Preliminarnoj listi korisnika, koji je ispunjavao uvjete za dodjelu financijske pomoći.

Potom je napravljena nova razmjena ažuriranih podataka sa Poreznom upravom Federacije BiH sa danom 26.11.2021.godine, kao i sa Upravom za neizravno oporezivanje Bosne i Hercegovine, nakon čega je 03.12.2021. godine objavljena **Potencijalna lista korisnika**, putem linka <https://finpomoc2021.fmrpo.gov.ba/>, nakon čega je ostavljena mogućnost ulaganja prigovora Ministarstvu u roku od 8 dana, za sve obrte i ostale samostalne djelatnosti koje se nisu našle na Potencijalnoj listi. U ovoj fazi smo od resornih ministarstava dobili liste korisnika finansijske pomoći po Uredbi o interventnim mjerama za podršku ugroženim sektorima privrede Federacije Bosne i Hercegovine u okolnostima pandemije COVID-19 za 2020.godinu (Službene novine Federacije BiH, broj 74/20 i 21/21), te smo iste isključili sa liste potencijalnih korisnika. Bilo je ukupno 25.045 subjekata male privrede na Potencijalnoj listi, koji su ispunjavali uslove za dodjelu finansijske pomoći. Možemo konstatovati da je skoro 7.000 subjekata iskoristilo period od ostavljenih 15 dana za ažuriranje podataka na Poreznoj upravi.

Nakon proteka roka za prigovore, rješavanja po istim i upoređivanja broja zaposlenih na osnovu službenih evidencija Porezne uprave Federacije BiH sukladno članku 7. stavak 1. tačkom e) Uredbe, Vlada Federacije BiH je usvojila konačnu listu korisnika finansijske pomoći dana 23.12.2021.godine, koja je objavljena putem linka <https://finpomoc2021.fmrpo.gov.ba/>, čime je proces odabira završen. Na Konačnoj listi je ukupno 24.766 subjekata malog gospodarstva, koji su ispunili uslove za dodjelu finansijske pomoći i postali korisnici iste. Konstatiramo da je i pored prihvatanja 492 osnovana prigovora, manji broj korisnika pomoći u odnosu na Potencijalnu listu za 279 subjekata malog gospodarstva, a što je posljedica pada broja uposlenih kao obveznog preduvjeta za ostvarivanje prava na finansijsku pomoć.

Transfer sredstava finansijske pomoći na transakcijske račune korisnika izvršilo je Federalno ministarstvo finansija/financija u suradnji sa Ministarstvom razvoja, poduzetništva i obrta u siječnju 2022 godine.

OSTVARENI EFEKTI

Dodjela finansijske pomoći elektronskim putem, bez dostavljanja bilo kakve dokumentacije, a na osnovu službenih evidencija, provedena je po prvi put u Federaciji BiH izuzetno uspješno, što je svojevrsna novina i značajno olakšanje subjektima malog gospodarstva registriranih kao samostalne djelatnosti. Suradnja Ministarstva sa Poreznom upravom Federacije BiH odnosno Ministarstvom financija Federacije BiH, a potom Uprave za neizravno oporezivanje, te Centralne banke Bosne i Hercegovine bila je na jednoj visokoj razini, što je rezultiralo apsolutnim uspjehom. Zaista je pozitivna reakcija javnosti i samih korisnika pomoći u smislu transparentnosti, jednostavnosti, ekspeditivnosti i na kraju apsolutne učinkovitosti.

U periodu realizacije Uredbe zabilježeno je ukupno 271.162 pretrage aplikacije, što dovoljno govori o svrsishodnosti cijelog procesa odnosno zainteresiranosti subjekata malog gospodarstva.

Ključ za raspodjelu sredstava bio je prosječan broj djelatnika u periodu od 12 mjeseci, a maksimalan iznos pomoći po jednom subjektu bio je 30.000 KM.

Ukupan iznos isplaćene finansijske pomoći je **59.999.335,49 KM**.

Pravo na finansijsku pomoć ostvarilo je ukupno **24.766** subjekata- obrta i ostalih samostalnih djelatnosti, čime je podržano ukupno **44.056** radnih mjesta u Federaciji BiH, od čega se 60% odnosi na obrtnike, kao najveću skupinu subjekata malog gospodarstva registriranih kao fizička lica odnosno samostalnih djelatnosti.

Ukupan broj korisnika finansijske pomoći po kantonima u Federaciji BiH dat je u tabeli.

Naziv	Broj Korisnika	Iznos finansijske pomoći
HERCEGOVAČKO-NERETVANSKI KANTON	2.291	5.810.328,34
KANTON POSAVSKI	329	764.476,38
ZAPADNO-HERCEGOVAČKI KANTON	1.296	2.715.458,06
KANTON SARAJEVO	5.425	13.505.220,61
SREDNJOBOSANSKI KANTON	2.812	6.561.232,36
TUZLANSKI KANTON	4.733	12.083.114,26
UNSKO-SANSKI KANTON	2.337	5.986.355,80
BOSANSKOPODRINJSKI KANTON	318	595.939,85
KANTON 10	491	993.806,30
ZENIČKO-DOBOJSKI KANTON	4.734	10.983.403,53
	24.766	59.999.335,49

Opstanak obrta i ostalih samostalnih djelatnosti kao cilj projekta je ostvaren i to posmatrajući period (prosinao-ožujak) kada je gospodarska aktivnost kod samostalnih djelatnosti i najmanja. Naime, u prosincu 2021.godine evidentirano je ukupno 52,989 subjekata, dok je u ožujku 2022.godine taj broj uvećan i iznosi 53.041 subjekat-obrta i ostalih samostalnih djelatnosti.

Očuvanje radnih mjesta i osiguranje podrške likvidnosti u svrhu prevladavanja okolnosti koje je izazvala pandemija COVID-19, posmatrano u razdoblju od dodjele finansijske pomoći u siječnju, pa do ožujka, kada je inače, gospodarska aktivnost kod samostalnih djelatnosti i najslabija, nije zabilježen pad zaposlenih. Naime, u siječnju 2022. godine bilježimo 58.195 zaposlenih, dok je u martu evidentirano 58.196 zaposlenih. Očekuje se dolaskom ljetne sezone značajno povećanje djelatnika u ovom veoma dinamičnom sektoru.

Možemo konstatirati efikasnost u implementaciji, koja je rezultirala planiranim efektima sukladno ciljevima Uredbe, definiranih na sljedeći način: opstanak obrta i ostalih samostalnih djelatnosti, očuvanje radnih mjesta i osiguranje podrške likvidnosti u svrhu prevladavanja okolnosti koje je izazvala pandemija COVID-19.